

Wawe pa Iximulew k'o chi nk'is ri tz'ilanik pa kiwi' ri achamaq'i' taq tinamit, ja ri nub'ij jun nimawinäq samajel richin ri ONU

GINEBRA (Julaluj q'ij richin ri Ro' ik' richin ri juna' woq'o' waqxaqlajuj)

Ri rutzijonel richin kich'ojib'al ri Achamaq'i, ri Nan Victoria Tauli-Corpuz, numäy, niq'axo' ruk'u'x pa ruwi' ri tz'ilanem nib'an chi ke ri Achamaq'i' wawe' Iximulew, ja re pa ruwi' ri meb'a'il, wa'im, ri winaqi' ri majön ri kochoch, ri kulew chuqa' ri k'o kik'ayewal rik'in ri Q'atb'al Tzij.

Janila yimayon, ruma q'ij q'ij ninimär ri tz'ilanem chupam ri tinamit, k'a ri, ri saqamaq' majun samaj, majun ch'ob'oj nub'an, richin nik'is ri tz'ilanem, majun pwaq kichin yeto'öx ri achamaq'i', ke ri xub'ij ri Tauli-Corpus.

Toq xik'oje' Iximulew, xinmöl wi kik'in k'iy achamaq'i' winaqi' , rije' xmaj kijuyu', kochoch, rik'in ch'a'oj, majun to'ik xkil ta. Chuqa' xenb'etz'eta' e k'iy winaqi' richin ri tinamit achamaq'i' ri etz'apäl pa che', ruma ya'on mak chi kij, ri man janila ta rejqalem, k'a ri k'o chik k'iy ramaj, k'iy juna' ri etz'apäl wi.

Ri ruxe'el re k'ayewal re', ja ri majun jikil ruwuj ri kulew ri winaqi'. Ri Iximulew mujun rukanon ta rub'eyal pa rucholajem rik'in ri Q'aton tzij, richin nuto' kich'ojib'al ri achamaq'i', pa ruwi' ri kulew, rulewal ri kijuyu', pa ruwi' ri kiya', ri k'ichelaj. E k'iy ri winaqi' kilon k'ayewal ruma jalajöj samaj b'anon, po man xek'ulb'äx ta chuqa' majun xkijikib'a' ta ri kitzij ri achamaq'i'

Ri mak xb'an chi kij ri achamaq'i' ixoqi', achi'a', e k'amöl taq b'ey, ri nikikanoj jun rusolik pa rub'eyal ri k'ayewal rik'in jub'a' xtuya'. Ruma ri k'atzinel chi ri Iximulew nutz'ët, chuqa' xti pa'e pa ruwi' ri samaj, chuqa' nukanoj rusamajixik, rusolik re k'ayewal re'.

Pa ruk'isb'äl, ninwajo' ninb'ij chi re ri Iximulew, k'a k'o nım ruk'as kik'in ri achamaq'i', ruma ronojel ri poqonäl, ri kamik xb'anatäj chi ke ri achamaq'i' ojer kan, Kan qetzij na wi kisolon jub'a' ri mak kib'anon achi'el ri k'isb'al tzij xq'at pa ruwi' ri Sepur Zarco, rik'in re man xtik'is ta ri poqonal, ri k'ayewal xekib'an, k'a k'o na k'ayewal, tikirel na rusolik, ke ri chuqa' k'a k'o k'iy na'oj nikichojmirisaj na.